

Na osnovu člana 16. stav 4. Zakona o Vladi Zeničko-dobojskog kantona - Prečišćen tekst („Službene novine Zeničko-dobojskog kantona”, broj: 7/10 i 3/23), člana 22. stav (2) Zakona o finansijskoj konsolidaciji i/ili restrukturiranju javnih zdravstvenih ustanova u Federaciji Bosne i Hercegovine („Službene novine Federacije Bosne i Hercegovine“, broj: 34/22 i 77/22) i člana 13. stav (1) Pravilnika o sadržaju i formi kvartalnih izvještaja o realizaciji programa finansijske konsolidacije i/ili restrukturiranja („Službene novine Federacije Bosne i Hercegovine“, broj: 101/22), na prijedlog Ministarstva zdravstva, Vlada Zeničko-dobojskog kantona na 40. sjednici održanoj dana 09.08.2024. godine, d o n o s i

ZAKLJUČAK

o usvajanju Kvartalnog izvještaja o realizaciji Programa finansijske konsolidacije i restrukturiranja JU Kantonalna bolnica Zenica i namjenskom utrošku sredstava doznačenih iz Budžeta Federacije Bosne i Hercegovine za period 01.04. - 30.06.2024. godine

I.

Usvaja se Kvartalni izvještaj o realizaciji Programa finansijske konsolidacije i restrukturiranja JU Kantonalna bolnica Zenica i namjenskom utrošku sredstava doznačenih iz Budžeta Federacije Bosne i Hercegovine za period 01.04.- 30.06.2024. godine, koji je usvojen Odlukom Upravnog odbora JU Kantonalna bolnica Zenica broj: 00-1-02-107/24 od 30.07.2024. godine.

II.

Kvartalni izvještaj o realizaciji Programa finansijske konsolidacije i restrukturiranja JU Kantonalna bolnica Zenica i namjenskom utrošku sredstava doznačenih iz Budžeta Federacije bosne i Hercegovine za period 01.04.- 30.06.2024. godine i Odluka Upravnog odbora JU Kantonalna bolnica Zenica broj: 00-1-02-107/24 od 30.07.2024. godine iz tačke I ovog zaključka, čine sastavni dio ovog zaključka.

III.

Zadužuje se JU Kantonalna bolnica Zenica da ovaj zaključak dostavi Federalnom ministarstvu zdravstva najkasnije u roku 15 dana od dana donošenja ovog zaključka.

IV.

Ovaj zaključak stupa na snagu danom donošenja i biti će objavljen u „Službenim novinama Zeničko-dobojskog kantona“.

Broj: 02-11-14175/24

Datum, 09.08.2024. godine
Zenica

PREMIJER

Nezir Pivić

DOSTAVLJENO:

1x Ministarstvo zdravstva,
1x Ministarstvo finansija,
1x JU Kantonalna bolnica Zenica, putem Ministarstva,
1x Federalno Ministarstvo zdravstva, putem JU Kantonalna bolnica Zenica,
1x „Službene novine Zeničko-dobojskog kantona“,
1x a/a.

JU KANTONALNA BOLNICA ZENICA

UPRAVNI ODBOR

Adresa: Crkvice 67, 72000 Zenica, Bosna i Hercegovina Direktor: |
Centrala: 032 447-000 fax: 032 226 576 E-mail: kbzenica@k

Identifikacijski br.

Registrovano kod Kantonalnog suda u Zenici Rj.br: U/I 486



Na osnovu člana 22., stav 2., Zakona o finansijskoj konsolidaciji i restrukturiranju javnih zdravstvenih ustanova u Federaciji Bosne i Hercegovine ("Službene novine Federacije BiH" broj 34/22), člana 13. Pravilnika o sadržaju i formi kvartalnih izvještaja o realizaciji Programa finansijske konsolidaciji i/ili restrukturiranja (Službene novine Federacije BiH" broj 101/22), na osnovu člana 46. Statuta JU Kantonalna bolnica Zenica (*prečišćen tekst, broj 20/1-1-8331 od 31.7.2018 godine*), Odluke o dopunama Statuta JU Kantonalna bolnica Zenica broj 20/1-1-6167 od 25.6.2019 godine, Odluke o izmjenama i dopuna Statuta broj 00-1-02-1491/20 od 29.09.2020 godine, Odluke o izmjeni Statuta broj 00-1-02-14/24 od 25.01.2024 godine, Upravni odbor JU Kantonalne bolnica Zenica na 07. sjednici, održanoj dana 30.07.2024 godine, donosi

O D L U K U

I

Usvaja se Kvartalni izvještaj o realizaciji Programa finansijske konsolidacije i restrukturiranja i namjenskom utrošku sredstava doznačenih iz Budžeta Federacije Bosne i Hercegovine za period 01.04.-30.06.2024 godine.

II

Sastavni dio ove Odluke je izvještaj iz tačke I, broj 00-1-11-105/24 od 24.07.2024 godine.

III

Ova odluka stupa na nsagu danom donošenja.

Broj: 00-1-02- /24
Zenica, 30.07.2024 godine.

P R E D S J E D N I K
Elmir Mustabašić dipl.pravnik

Dostaviti:

1 x Komisija.

1 x Direktor.

1 x Sektor za pravne poslove.

1 x Sektor za Ekonomsko-finansijske poslove

1 x Ministarstvo zdravstva Zeničkodobojskog kantona.

1 x Ministarstvo zdravstva Federacije Bosne i Hercegovine.

1x a/a

Žiro račun: 134-010-00000138-94 kod ASA Banaka d.d Sarajevo

Devizni račun: ASA Banka d.d. Sarajevo-501012-00-701-0000013.9, SWIFT:IKBZBA2X, IBAN:BA391340071300013958

KVARTALNI IZVJEŠTAJ O RELIZACIJI PROGRAMA FINANSIJSKE KONSOLIDACIJE I/ILI RESTRUKTURIRANJA I NAMJENSKOM UTROŠKU SREDSTAVA DOZNAČENIH IZ BUDŽETA FEDERACIJE BOSNE I HERCEGOVINE

Odjeljak A

RELIZACIJA PROGRAMA FINANSIJSKE KONSOLIDACIJE I/ILI RESTRUKTURIRANJA I NAMJENSKOM UTROŠKU SREDSTAVA DOZNAČENIH IZ BUDŽETA FEDERACIJE BOSNE I HERCEGOVINE

1. Uvod

- Naziv zdravstvene ustanove: JU KANTONALNA BOLNICA ZENICA
- Period izvještavanja: 01.04.2024.-30.06.2024. godine

2. Opis provedenih aktivnosti u izvještajnom periodu za postizanje cilja i svrhe provođenja finansijske konsolidacije i /ili restrukturiranja i sanacije gubitaka, perspektive i razvoja

Do 30.06.2024. godine okončane su sve procedure nabavke stalnih sredstava čije finansiranje je predviđeno iz sredstava Vlade FBiH za 2022. godinu.

U narednoj tabeli je prikaz sredstava Vlade FBiH za 2022. godinu:

PLAN	DOZNAČENO	UTROŠENO	OSTATAK
7.666.667,00 KM	7.666.667,00 KM	6.366.107,10 KM	1.300.559,90 KM

Od ostatka sredstava u iznosu 1.300.559,90 KM iznos od 1.285.830,00 KM se odnosi na CT simulator za koji je ugovor potpisan 18.06.2024. godine sa rokom isporuke 120 dana, dok se 14.730,00 KM odnosi na razliku između potpisanih ugovora i procjenjene vrijednosti nabavljene opreme.

U narednoj tabeli je prikaz sredstava Vlade FBiH za 2023. godinu:

PLAN	DOZNAČENO	UTROŠENO	OSTATAK
7.666.667,00 KM	7.666.667,00 KM	2.510.205,00 KM	5.156.462,00 KM

Kada su u pitanju aktivnosti na restrukturiranju koje su planirane u 2023. godini utrošena sredstva u iznosu 2.510.205,00 KM odnose se na plaćanje druge rate za nabavku Linearnog akceleratora.

Neutrošena sredstva u iznosu 5.156.462,00 KM odnose se na nabavku hirurškog instrumentarija, te građevinske radove na rekonstrukciji i adaptaciji Bolnice.

Okončana je procedura nabavke hirurškog instrumentarija te su u aprilu 2024. godine potpisani ugovori u iznosu 694.207,18 KM sa PDV-om, od čega će se 585.000,00 KM finansirati iz sredstava predviđenih za finansijsku konsolidaciju i restrukturiranje, a u skladu sa Programom finansijske konsolidacije i restrukturiranja JU Kantonalna bolnica Zenica.

Planirani su građevinski radovi na rekonstrukciji i adaptaciji Bolnice u cilju modernizacije, proširenja kapaciteta, kao i sigurnosti i kvaliteta zdravstvenih usluga u iznosu 4.571.462,00 KM. Međutim, zbog problema sa vlasništvom zemljišta i objekata u krugu JU Kantonalne bolnice Zenica, dana 22.02.2024. godine obratili smo se Ministarstvu zdravstva FBiH, te tražili informaciju i upute o načinu izmjene Programa finansijske konsolidacije i restrukturiranja JU Kantonalne bolnice Zenica, odnosno preusmjeravanju sredstava predviđenih za građevinske radove na nabavku neophodne opreme. Dana 19.06.2024. godine uputili smo urgenciju na pomenuti dopis, te smo dana 08.07.2024. godine od strane Ministarstva zdravstva FBiH dobili odgovor iz kojeg se može vidjeti da izmjena ranije usvojenog Programa, iako nije predviđena Zakonom o finansijskoj konsolidaciji i/ili restrukturiranju javnih zdravstvenih ustanova, nije sporna, uz uslov da se ispoštuje procedura propisana članom 19. stav (4) Zakona. S tim u vezi, u toku su aktivnosti na izmjenama i dopunama Programa finansijske konsolidacije i restrukturiranja JU Kantonalna bolnica Zenica.

Kada su u pitanju sredstva Vlade FBiH za 2024. godinu ista su planirana za isplatu posljednje rate za nabavku linearnog akceleratora u iznosu 2.510.205,00 KM, nabavku neurohirurške navigacije 585.000,00 KM i građevinske radove 4.571.462,00 KM. Do 30.06.2024. godine Vlada FBiH nije doznavačala sredstva za 2024. godinu.

3.Realizacija Programa utroška sredstava sa mjerama i aktivnostima finansijske konsolidacije i/ili restrukturiranja

3.1. Mjera - izmirenje dospjelih obveza

		Iznos u KM		
		Plan za tekuću godinu	Izmireno u prethodnim izvještajnim periodima tekuće godine	Izmireno u izvještajnom periodu
Ukupno obveze:				
čega	Obveze za doprinose za MIO/PIO iz i na plaće			
	Obveze za doprinose za osnovno zdravstveno osiguranje iz i na plaće			
	Obveze za doprinose za osiguranje u slučaju neuposlenosti			
	Obveze za poreze i druge javne prihode, isključujući PDV			
Obveze prema dobavljačima:				
	od čega:	Dobavljači za lijekove		
		Dobavljači za potrošni materijal		
		Dobavljači (struja, voda, ishrana i sl.)		
		Ostali dobavljači		
Obveze prema uposlenima za neto plaće				

Napomena: Dostaviti liste plaćenih faktura po dobavljačima, pojedinačno za svaku od kategorija (lijekovi, potrošni materijal, struja, voda, ishrana, i dr.)

Realizirane aktivnosti u okviru realizacije mjere:

U okviru ove mjere nije bilo aktivnosti u izvještajnom periodu iz razloga što su sredstva predviđena za ovu mjeru utrošena u 2022. godini, kada su iz sredstava opredjeljenih za finansijsku konsolidaciju izmirene dospjele obaveze u iznosu 2.354.851,96 KM.

Efekat provođenja mjere:

Dospjele obaveze su smanjenje za navedenih iznos, čime se značajno doprinijelo likvidnosti i smanjenju ukupnih obaveza prema dobavljačima. Sve to se odrazilo na uredno snabdijevanje lijekovima i ostalim potrošnim materijalom, što je omogućilo normalno funkcionisanje Ustanove. Osim toga prestali su teći rokovi za obračun zateznih kamata na izmireni dug.

Indikator za praćenje*	Bazna godina 2021.	Na kraju izvještajnog perioda
Stepen izmirenja dospjelih obaveza sa 31.12.2021. godine, a koje su predmet	-	100%

*Indikator za praćenje definiran u Programu finansijske konsolidacije i/ili restrukturiranja

3.2. Mjere operativnog restrukturiranja

Realizirane aktivnosti za racionalizaciju korištenja postojećih resursa:

U Programu finansijske konsolidacije i restrukturiranja JU Kantonalna bolnica Zenica, u sklopu operativnog restrukturiranja planirana su sredstva od Vlade Zeničko-dobojskog kantona u ukupnom iznosu 6.000.000,00 KM, od čega se 3.000.000,00 KM odnosi na 2024. godinu. Radi se o sredstvima za sufinansiranje troškova plaća i ostalih primanja doktora medicine na specijalizaciji i subspecijalizaciji.

U izvještajnom periodu po ovom osnovu su iz Budžeta Zeničko-dobojskog kantona doznačena sredstva u iznosu 750.000,00 KM, a ukupno doznačena sredstva u 2024. godini iznose 1.250.000,00 KM.

Bolnica je sa 30.06.2024. godine imala 66 doktora na specijalizaciji i 14 doktora na subspecijalizaciji.

Efekat provođenja mjere (finansijski i nefinansijski):

Edukacijom medicinskog kadra, kroz specijalizacije i subspecijalizacije omogućava se povećanje kvaliteta i efikasnosti u pružanju zdravstvenih usluga. Osim toga, očekujemo smanjenje slanja pacijenata u kliničke centre, što bi trebalo dovesti do smanjenja odliva sredstava van Kantona i time doprinijeti finansijskoj konsolidaciji Ustanove.

Iznos finansijskih sredstava (KM)

	Iznos u KM		
	Plan za tekuću godinu	Izmireno u prethodnim izvještajnim periodima tekuće godine	Izmireno u izvještajnom periodu
Sredstva iz Budžeta FBiH	-	-	-
Sredstva iz drugih izvora	3.000.000,00	500.000,00	750.000,00
Ukupno	3.000.000,00	500.000,00	750.000,00

Indikator za praćenje	Bazna godina	Na kraju izvještajnog perioda
Broj doktora na specijalizaciji/subspecijalizaciji	82	80

3.3. Mjere restrukturiranja

Opis poduzetih aktivnosti na realizaciji mjere restrukturiranja u izvještajnom periodu:

Program finansijske konsolidacije i restrukturiranja JU Kantonalna bolnica Zenica usvojen je krajem novembra 2022. godine, a u decembru 2022. godine su pokrenute procedure nabavke opreme čije finansiranje je predviđeno iz sredstava za 2022. godinu. Sve pokrenute procedure su okončane ranije, izuzev nabavke CT simulatora, za čiju nabavku je ugovor potpisan u izvještajnom periodu.

Od aktivnosti čije finansiranje je predviđeno iz sredstava za 2023. godinu u izvještajnom periodu je okončana procedura nabavke hirurškog instrumentarija, dok zbog problema sa vlasništvom zemljišta i objekata u krugu JU Kantonalne bolnice Zenica nije moguća realizacija predviđenih građevinskih radova na rekonstrukciji i adaptaciji Bolnice.

U izvještajnom periodu je pokrenuta procedura nabavke neurohirurške navigacije, a čije finansiranje je predviđeno iz sredstava za 2024. godinu.

3.3.1. Aktivnosti za proširenje postojećih kapaciteta (prostor, oprema, kadar)

1. Oprema za radioterapiju:

- Linearni akcelerator:

Nabavka Linearnog akceleratora u iznosu od 5.573.000,00 KM bez PDV-a, odnosno 6.520.410,00 KM sa PDV-om okončana je u 2022. godini, kada je plaćena i prva rata u iznosu 1.500.000,00 KM. Druga rata u iznosu 2.510.205,00 KM plaćena je u 2023. godini, dok je treću ratu u iznosu 2.510.205,00 KM potrebno izmiriti u 2024. godini. U izvještajnom periodu nije bilo plaćanja po ovom osnovu, iz razloga što Vlada FBiH nije doznala sredstva za 2024. godinu.

- CT simulator:

Procedura javne nabavke CT simulatora okončana je u izvještajnom periodu i 18.06.2024.

godine je zaključen ugovor u iznosu 1.099.000,00 KM bez PDV-a, odnosno 1.285.830,00 KM sa PDV-om. Rok isporuke je 120 dana od dana potpisivanja ugovora,

Prilog: Ugovor o nabavci i održavanju broj: 22-04-3579/24.

2. Građevinski radovi:

- Adaptacija/rekonstrukcija 10 operacionih sala na način da iste grupišemo na dva sprata zgrade po 5 sala, koje će biti povezane sa planiranim prostorom jedinice intenzivnog liječenja (centralne intenzivne njege).
- Dogradnja oko 400 m² novog prostora za dvije operacione sale.
- Izgradnja novog lifta za operacione sale.
- Zamjena 5 (pet) postojećih liftova.
- Formiranje nulte etaže sa organizacijom transportnih puteva u glavnoj zgradi bolnice.

Realizacija ove mjere predviđena je iz sredstava za 2023. godinu (4.571.462,00 KM) i sredstava za 2024. godinu (4.571.462,00 KM). Usljed problema vezanih za vlasništvo nad zemljom i objektima u krugu JU Kantonalna bolnica Zenica obratili smo se Ministarstvu zdravstva FBiH, te tražili informaciju i upute o načinu izmjene Programa finansijske konsolidacije i restrukturiranja JU Kantonalne bolnice Zenica, odnosno preusmjeravanju sredstava predviđenih za građevinske radove na nabavku neophodne opreme. Dana 08.07.2024. godine dobili smo odgovor Ministarstva zdravstva FBiH, te su u toku aktivnosti na izmjenama i dopunama Programa finansijske konsolidacije i restrukturiranja JU Kantonalna bolnica Zenica

Prilog: Akt broj: 06-11-3549/24 od 26.06.2024. godine.

3. Oprema za operacionu salu:

- U 2022. godini pokrenuta je procedura nabavke tri operaciona stola i tri lampe za operacione sale. Izvršena je ispruka navedene opreme u ukupnoj vrijednosti 398.673,00 KM, od čega se 298.350,00 KM odnosi na operacione stolove, a 99.333,00 KM na operacione lampe. Obaveze prema dobavljačima su izmirene iz sredstava za 2022. godinu.
- Tender za nabavku hirurškog instrumentarija je, zbog žalbi potencijalnih ponuđača, nekoliko puta ponavljan. U izvještajnom periodu je okončana procedura nabavke, nakon čega su potpisana četiri ugovora o nabavci ukupne vrijednosti 694.207,18 KM sa PDV-om. Od tog iznosa će se 585.000,00 KM finansirati iz sredstava predviđenih za finansijsku konsolidaciju i restrukturiranje, a u skladu sa Programom finansijske konsolidacije i restrukturiranja JU Kantonalna bolnica Zenica. Finansiranje ove opreme predviđeno je iz sredstava za 2023. godinu.

Prilog: Ugovori o nabavci hirurškog instrumentarija

4. Oprema za koronarnu jedinicu

- U 2022. godini pokrenuta je procedura nabavke opreme za Koronarnu jedinicu, a ugovori su potpisani u prvom kvartalu 2023. godine. Isporučena je sva oprema i ukupna vrijednost ove nabavke iznosi 343.079,00 KM sa PDV-om. Obaveze prema dobavljačima su izmirene iz sredstava za 2022. godinu.

5. Sanitetsko vozilo:

- Ugovor za nabavku sanitetskog vozila u iznosu 99.000,00 KM sa PDV-om potpisan je u februaru 2023. godine, a isporuka istog izvršena je u maju 2023. godine. Obaveze po ovom ugovoru su izmirene iz sredstava za 2022. godinu.

Dinamika realizacije:

Stavka 1: Nakon isporuke Linearnog akceleratora izvršeno je komisioniranje sistema za planiranje prema uputama proizvođača, nakon čega je urađeno komisioniranje prema Aneksu 4. Pravilnika o zaštiti jonizirajućeg zračenja kod medicinske ekspozicije (Službeni glasnik BiH" broj 13/11). Puštanje aparata u rad izvršeno je u julu 2023. godine. Avans u iznosu 1.500.000,00 KM uplaćen je krajem 2022. godine, a druga rata u iznosu 2.510.205,00 KM izmirena je u 2023. godini. Isti iznos potrebno je uplatiti u 2024. godini nakon čega će biti izmirene obaveze za nabavku linearnog akceleratora.

Kada je u pitanju nabavka CT simulatora realizacija nije išla planiranom dinamikom iz razloga što je, nakon žalbi potencijalnih ponuđača, Ured za razmatranje žalbi u dva navrata poništio postupak nabavke. Nakon toga je pokrenuta nova procedura nabavke koja je okončana potpisivanjem ugovora o nabavci u junu 2024. godine.

Stavka 2 :

Faza I - U 2023. godini planirana je adaptacija tri i nadogradnja dvije operacione sale na II spratu „hirurške“ zgrade Bolnice sa koridorom za novu jedinicu intenzivnog liječenja.

Faza II - U 2024 godini planirana rekonstrukcija 5 operacionih sala na III spratu iznad sala iz Faze I i povezivanje liftom ova dva sprata u jednu cjelinu.

Kada su u pitanju planirani građevinski radovi upitna je realizacija istih zbog problema sa vlasništvom nad zemljom i objektima u krugu JU Kantonalne bolnice Zenica, zbog čega su pokrenute aktivnosti na izmjeni Programa finansijske konsolidacije i restrukturiranja JU Kantonalna bolnica Zenica.

Stavka 3 : Isporučena su tri operaciona stola i tri operacione lampe ukupne vrijednosti 398.673,00 KM. Zbog žalbe na Odluku o izboru u provobitnom postupku nabavke, ponovljen je postupak nabavke hirurškog instrumentarija. U ponovljenom postupku nabavka je uspješno okončana, a ugovori sa izabranim ponuđačima su potpisani u aprilu 2024. godine.

Stavka 4 : U ranijem periodu isporučena je kompletna oprema za koronarnu jedinicu u iznosu 343.079,00 KM, nakon čega je ista stavljena u funkciju.

Stavka 5 : U ranijem periodu izvršena je isporuka sanitetskog vozila od strane dobavljača, nakon čega je isto stavljeno u funkciju i trenutno je u upotrebi.

Rok za realizaciju:

U skladu sa dinamikom realizacije, a krajnji rok za realizaciju svih mjera je 31.12.2024. godine.

Efekat provođenja mjere (finansijski i nefinansijski):

- Nabavka opreme za radioterapiju predstavlja obezbjeđenje kontinuiteta pružanja usluga radioterapije kao i poboljšanje sigurnosti i kvaliteta usluga. Postoji i finansijska opravdanost pružanja ovih usluga jer se iste finansiraju iz Federalnog fonda solidarnosti i predstavljaju finansijske prihode Bolnici. Pored toga pružamo i dio usluga radioterapije za Srednjobosanski kanton. Ukupni prihodi Bolnici od radioterapije su blizu 1.000.000,00 KM na godišnjem nivou. Nakon puštanja u rad Linearnog akceleratora obratit ćemo se Zavodu zdravstvenog osiguranja i reosiguranja FBiH sa zahtjevom za aneksiranje postojećeg ugovora, odnosno povećanje sredstava za usluge radioterapije za JU Kantonalna bolnica Zenica.
- Izgradnjom adaptacijom i grupisanjem novih operativnih sala racionalizovat ćemo pružanje hirurških usluga. Sale postaju multifunkcionalne. Smanjit ćemo „rasipanje“ kadra Anestezije na

veliki broj pojedinačnih odvojenih sala i smanjiti količinu neophodne opreme koja može biti zajednička za više sala kada su u bloku. Izgradit će se dva propusnika (presvlačenje i pranje osoblja) u sale umjesto što sada sve sale pojedinačno imaju propusnike. Racionalizovat će se potrošnja higijenskog i dezinfekcionog materijala kao i posao sterilizacije. Dobit će se bolji uslovi, lakša kontrola i preventiva intrahospitalne infekcije i poboljšanje kvaliteta hirurških usluga. Sve operacione sale će imati direktnu komunikaciju sa Jedinicom intenzivnog liječenja, čija izgradnja je planirana Projektom energetske efikasnosti Bolnice.

Iznos finansijskih sredstava (KM)

	Plan za tekuću godi
Sredstva iz Budžeta FBiH	7.081.667
Sredstva iz drugih izvora	
Ukupno	7.081.667

	Bazr
Procenat realizacije	

Dakle, u izvještajnom periodu nije bilo plaćanja iz sredstava finansijske konsolidacije i restrukturiranja, a u prethodnom izvještajnom periodu je izmireno ukupno 99.333,00 KM obaveza koje se odnose na aktivnosti vezane za proširenje postojećih kapaciteta, a odnose se na potrošnju sredstava iz 2022. godine.

3.3.2. Aktivnosti za uvođenje novih tehnologija i zdravstvenih usluga

1. C-luk:

U decembru 2022. godine pokrenuta je procedura nabavke C-luka. Potpisan je ugovor o nabavci u vrijednosti 152.100,00 KM sa PDV-om i izvršena je isporuka navedne opreme. Izmirenje obaveza za nabavku ovog aparata vršeno je iz doznačenih sredstva za 2022. godinu.

2. Neuronavigacija

Planirana je realizacija u 2024. godini, a u izvještajnom periodu je pokrenuta procedura nabavke. Otvaranje tendera je predviđeno 19.08.2024. godine.

3. Endoskopska oprema.

U decembru 2022. godine pokrenuta je procedura nabavke endoskopske opreme za čitavu Bolnicu (Za hirurške odjele: ginekologije, hirurgije, urologije, ORL, ERCP kabinet kao i kabinete gastroenterologije i bronhoskopije). Potpisani su ugovori o nabavci i izvršena isporuka opreme u vrijednosti 1.426.569,00 KM sa PDV-om. Finansiranje ove opreme planirano je iz doznačenih sredstva za 2022. godinu. U ranijem periodu su izmirene sve obaveze po ovom osnovu.

4. Računarska oprema za Odjel radiološke dijagnostike

U decembru 2022. godine pokrenuta je procedura nabavke računarske opreme za Odjel radiološke dijagnostike. Potpisan je ugovor o nabavci i izvršena isporuka navedene opreme u vrijednosti 93.600,00 KM. Plaćanje fakture za nabavku ove opreme izvršeno je iz doznačenih sredstva za 2022. godinu.

Dinamika realizacije:

Izvršena je isporuka kompletne opreme pod stavkama 1, 3 i 4, dok je za stavku 2 planirano otvaranje tendera 19.08.2024. godine.

Rok za realizaciju:

U skladu sa dinamikom realizacije, a krajnji rok za realizaciju svih mjera je 31.12.2024. godine.

Efekat provođenja mjere (finansijski i nefinansijski):

Uvođenje novih tehnologija i zdravstvenih usluga i poboljšanje sigurnosti i kvaliteta usluga. Uvođenje novih usluga će omogućiti povećanje prihoda po tom osnovu, jer pacijenti sa područja Ze-Do kantona neće morati odlaziti u druge zdravstvene ustanove radi pružanja ovih usluga.

Iznos finansijskih sredstava (KM)

	Plan za tekuću godinu
Sredstva iz Budžeta FBiH	585.0
Sredstva iz drugih izvora	
Ukupno	585.0

	Baza
Procenat realizacije	

Dakle, u izvještajnom periodu nije bilo plaćanja iz sredstava finansijske konsolidacije i restrukturiranja, a u prethodnom izvještajnom periodu je izmireno ukupno 50.089,29 KM obaveza koje se odnose na aktivnosti vezane za uvođenje novih tehnologija i zdravstvenih usluga i kompletan iznos odnosi se na potrošnju sredstava iz 2022. godine.

Odjeljak B

KVARTALNI IZVJEŠTAJ O TEKUĆEM POSLOVANJU

1.Uvod

- Naziv zdravstvene ustanove: JU KANTONALNA BOLNICA ZENICA
- Period izvještavanja: 01.04.2024.-30.06.2024. godine

2. Stanje obveza

Vrsta obveza	Stanje na dan 31.12.2023. (obveze koje nisu predmetom financijske konsolidacije)*	Iznos obveza stvoren od 01.01.2024. do zadnjeg dana kvartala za koji se izvještava**	Iznos izmirenih tekućih obveza od 01.01.2024. do zadnjeg dana kvartala za koji se izvještava***
1. dobavljači za lijekove	778.410,20	2.783.147,94	2.732.442,94
2. dobavljači za potrošni materijal	1.136.362,46	3.672.086,45	3.747.419,01
3. dobavljači (struja, voda, ishrana i si.)	389.964,57	2.281.878,41	2.358.212,59
4. Ostali dobavljači	3.265.131,34	2.548.313,87	2.624.644,67
5. Obveze za poreze i doprinose	2.153.648,95	13.627.320,65	13.646.064,48
6. Obveze na neto plaće	2.913.665,92	18.500.982,09	18.489.116,18

* Za 2023.godinu iskazati podatke iz Bruto bilance na dan 31.12. a koji nisu predmetom financijske konsolidacije.

** iznos obveza stvoren od 01.01 .tekuće godine u kojoj se izvještava

*** iznos obveza koji je izmiren u periodu od 01.01. tekuće godine za koju se izvještava pa do kraja izvještajnog perioda (ne uzimajući u obzir izmirenje obveza koje su predmet financijske konsolidacije)

3. Ročnost obveza

Obveze prema dobavljačima na zadnji dan izvještajnog perioda (ukupno)		nedospjele obveze (u valuti)	dospjele obveze			Ukupno
			do 60 dana	od 60-90 dana	preko 90 dana	
		5.392.576,03	0,00	0,00	0,00	5.392.576,03
Od čega:	dobavljači za lijekove	829.115,20	0,00	0,00	0,00	829.115,20
	dobavljači za potrošni materijal	1.061.029,90	0,00	0,00	0,00	1.061.029,90
	dobavljači (struja, voda, ishrana i si.)	313.630,39	0,00	0,00	0,00	313.630,39
	Ostali dobavljači	3.188.800,54	0,00	0,00	0,00	3.188.800,54

	nedospjele obveze (obveze iz prethodnog mjeseca)
	2.134.905,12

	nedospjele obveze (obveze iz prethodnog mjeseca)
	2.925.531,83

4. Pregled prihoda i rashoda

	Izvještajni period (od 01.01.2024. do kraja izvještajnog perioda)
1. PRIHODI (ukupno)	49.655.455

Od čega:	Prihodi od domicilnog ZZO	42.977.927
	Prihodi od drugih ZZO u FBiH, BD i RS	568.433
	Prihodi od FZZOIR	883.663
	Prihodi od participacije	0
	Prihodi od Proračuna osnivača	1.500.000
	Prihodi od direktnih plaćanja pravnih i fizičkih lica	254.650
	Ostali prihodi	3.470.782
2. RASHODI (ukupno)		48.047.189
	Bruto plaće	25.758.307
	Naknade plaća	5.955.168
	Lijekovi	2.893.086
	Potrošni materijal	3.393.586
	Režijski troškovi	856.876
	Amortizacija	1.975.615
	Ostali troškovi i rashodi	7.214.551
FINANSIJSKI REZULTAT (1-2)		1.608.266

U periodu od 01.01.2024.- 30.06.2024. godine JU Kantonalna bolnica Zenica ostvarila je pozitivan poslovni rezultat u iznosu od 1.608.266,00 KM. Iz tabele 4. Pregled prihoda i rashoda uočava se da su ukupni prihodi u izvještajnom periodu ostvareni u iznosu od 49.655.455,00 KM, dok su ukupni rashodi ostvareni u iznosu od 48.047.189,00 KM.

U tabeli 4. uočava se da najveće učešće u ostvarenim prihodima ima prihod od domicilnog ZZO u iznosu od 42.977.927,00 KM. Potpisivanjem ugovora o međusobnim odnosima u pružanju zdravstvene zaštite za period 01.01-31.12.2024. godine osigurano je povećanje prihoda od Zavoda zdravstvenog osiguranja ZDK za 2024. godinu. Najveće učešće u strukturi ovog prihoda ima prihod od paušala koji je u izvještajnom periodu ostvaren u iznosu od 38.734.374,00 KM. Uočava se povećanje ovog prihoda u odnosu na isti period 2023. godine u iznosu od 6.106.641 KM.

U Budžetu Zeničko-dobojskog kantona za 2024. godinu planirana su sredstva za pokriće dijela troškova tekućeg održavanja u iznosu od 1.500.000,00 KM, dijela sufinansiranja pokrića troškova plata specijalizanata i subspecijalizanata u iznosu od 3.000.000,00 KM i finansiranja nabavke stalnih sredstava u iznosu od 2.535.000,00 KM.

U izvještajnom periodu knjigovodstveno iskazani prihodi iz Budžeta Zeničko-dobojskog kantona iznose 2.050.960,00 KM, a odnose se na sufinansiranje dijela troškova plata specijalizanata i subspecijalizanata u iznosu 1.500.000,00 KM i tekuće održavanje 550.960,00 KM. Ukupno

doznačena sredstva iz Budžeta Zeničko-dobojskog kantona u izvještajnom periodu iznose 1.800.960,00 KM.

U strukturi rashoda dominiraju troškovi plata i naknada plata u ukupnom iznosu od 31.713.475,00 KM.

U strukturi rashoda u okviru ostalih troškova i rashoda iskazani su troškovi naknade za topli obrok u periodu 01.01.-30.06.2024. godine u iznosu od 2.155.837,00, troškovi na ime pomoći radnicima po Odluci Vlade FBiH u iznosu od 1.223.250,00 KM, troškovi održavanja opreme u iznosu oko 1.035.016,00 KM, te troškovi uglja za proizvodnju toplotne energije za zagrijavanje prostorija u iznosu od 734.660,00 KM dok su u iznosu 2.065.788,00 KM iskazani ostali troškovi manje pojedinačne vrijednosti.

Izvještaj sačinili:

1. Muamer Avdić, pomoćnik direktora za ekonomsko-finansijske poslove:

2. Rasim Iriškić, pomoćnik direktora za medicinske poslove:

3. Lejla Beganović, pomoćnik direktora za pravne poslove:

Direktor:

Broj protokola: _____

Dr Tarik Zulović

